

Powšitkowne WOZJEWJENJA

njedzelu, 28. septembra 2014

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprošuje tež lětsa na wosebity nyšpor z požohnowanjom konjacych zapřahow. Nyšpor budže tutu njedzelu, 28. septembra, w 14 hodž. w Chróścicach na łuce při Hatkach. Nyšpor wuhotuja muski chór Delany a Chróścanscy wosadni dujerjo.

Tydzeń zetkanja młodych dorosćenych

Hünfeldski pater Martin Wolf z rjadu oblatow přeprošuje młodych dorosćenych w starobje 25 do 39 lět z Łužicy na zhromadny tydzeń do tamnišeho klóštra. Zaměr je zetkanje z jenak starymi ludźimi. Dny wotměja so wot póndzele do pjatka, 9. do 13. februara 2015. Zajimcy měli so hač do srjedy, 15. oktobra, z mailku pod Begegnungswoche@pfarreicrostwitz.de přizjewić. Nadrobniše informacije su pod www.posol.de wozjewjene.

Zhromadny dzeń za 1. a 2. lětnik

Dekanatne dušepastyrstwo přeprošuje džěci 1. a 2. lětnika na zhromadny dzeń sobotu, 11. oktobra, wot 9 do 15 hodž. do Don Boskoweho domu we Worklecach. Zajimcy njech so prošu hač do srjedy, 8. oktobra, pod telefonowym čisłom (03 57 96) 8 87 07 přizjewja. Za wudawki dnja zběra so wot kóždeho wobdźělnika přinošk we wysokosći třoch eurow.

Jězba do Rudnych horow za džěci 5. a 6. lětnika

Na jězbu do Rudnych horow wot póndzele do štwórtka, 20. do 23. oktobra, přeprošuje Dekanatne dušepastyrstwo džěci 5. a 6. lětnika. Za jězbu zběra so wot kóždeho wobdźělnika přinošk we wysokosći 65 eurow. Zajimcy njech so prošu hač do pjatka, 10. oktobra, pod telefonowym čisłom (03 57 96) 8 87 07 přizjewja.

Eksercicije w Drježdžanskim domje Wysoke duby

Dny rozpominanja a modlenja wotměja so wot pjatka, 10. oktobra, we 18.00 hodž. hač do njedzele, 12. oktobra, připołdnja w eksercicijnym domje Wysoke Duby w Drježdžanach. Jezuitski pater Willi Lambert přewjedže je k temje „Z čeho je wěra žiwa – eucharistija a žiwjenska kultura“. Wón budže w němskej rěči přednošować, modlitwy a kěrluše budu serbske. Tež mjelčenje a wuměna nazhonjenjow budžetej wobstatk tutych dnjow. Přizjewić měli so zajimcy w Chróścicach na farje, telefonowe čisło (03 57 96) 8 04 00 abo pola Marije Clausenoweje, telefonowe čisło (01 52) 52 05 71 88.

Zetkanje Kevelaerskich a přichodnych putnikow

Wšitkich, kotřiž su so na putniskej jězbje do Kevelaera wobdźělili, přeprošuju na zetkanje w Šmitec wozydłownistwje w Radworju. Tute budže pjatk, 10. oktobra, po wječornych kemšach, kotrež su w 19 hodž. Dokelž chcemy nowu jězbu planować, su wšitcy zajimcy wutrobnje přeprošeni.

T. Kubašec

Wšědne hesła Ochranowskeje bratrowskeje wosady

Lětsa su „Hesła“ 15. raz jako serbska kniha w Budyskim Ludowym nakładnistwje Domowina wušli. Wšědne Ochranowske hesła tamnišeje bratrowskeje wosady na lěto so po cyłym swěće čitaja. Wone wobsahuja za kóždy dzeń krótke, jadriwe hrono ze Stareho a dalše z Noweho zakonja. Hesła „wunamakal“ je hrabja Nikolaus Ludwig von Zinzendorf před wjace hač 280 lětami w Ochranowje (Herrnhut). Wot toho časa wone kóždy lěto jako mała knižka wuchadžeja, mjeztym we wjace hač 50 rěčach, a křesćanow wšelakich wěrywuznacow zwjazuja. Štóz chce, móže sej němske hesło wšědnje z mailku připóstać dać. W serbskej rěči je wone na internetnej stronje Serbskeho ewangelskeho towarstwa wozjewjene. Serbske wudaće nasto w zhromadnym dźěle ze Serbskim ewangelskim towarstwom a Ludowym nakładnistwom Domowina.

Prezentacija CD kulturneje brigady

Na předstajenje CDje, kotraž bu loni na adwentnym koncerće nahrata, přeprašuje 1. serbska kulturna brigada z.t. wšitkich cyle wutrobnje. Swoju hudźbnu chlósćenku prezentuje wona srjedu, 15. oktobra, w 16.00 hodź. w Budyskej Michałskej cyrkwi.

Komedija w Chrósćicach

Premjera komedije „Jedyn Šwjerčik přińdže zrědka sam“ budže sobotu, 4. oktobra, we 18 hodź. na Krawčikec žurli w Chrósćicach. Tamniša lajska dźiwadłowa skupina předstaji dźiwadłowu hru tež njeźelu, 5. oktobra, w 16 hodź. na samsnym městnje.